

Mensahe 10

**Ang Magbubuhat sa Usang Bag-ong Tawo
nga Obra Maestra sa Dios**

Basahong Kasulatan: Gen. 1:26; Efe. 2:14-16; 4:22-24

I. Ang tuyo sa Dios sa paglalang Niya sa tawo pagpakabaton maghiniusang tawo nga magpadayag Niya ug morepresentar Niya—Gen. 1:26; Efe. 2:15:

- A. Gilalang sa Dios ang tawo sa kaugalingon Niyang dagway aron magpadayag Niya ug gihatagan ang tawo sa Iyang pagbulot-an aron morepresentar Niya ang tawo ug mobatok sa Iyang kaaway—Gen. 1:26.
- B. Naay dagway sa Dios ang iglesia isip bag-ong tawo diha sa bag-ong kabuhatan aron magpadayag sa Dios ug makig-away batok sa kaaway sa Dios alang sa gingharian sa Dios—Col. 3:10-11; Efe. 2:15; 4:24; 6:10-11.
- C. Ang nabahin ug nagkatibulaag diha sa daang tawo napahiuli man diha sa bag-ong tawo—Gen. 11:5-9; Buh. 2:5-12; Col. 3:10-11.

II. Gilalang ang bag-ong tawo nga balak, ang obra maestra, sa Dios pinaagi sa kamatayon ni Cristo ug diha sa Iyang pagkabanhaw—Efe. 2:10, 15-16:

- A. Magtagad gyod ta pag-ayo sa duha ka pamulong sa versiculo 15: *diha sa Iyang unod ug diha Niya*:
 - 1. Gitapos ni Cristo ang tanang negatibong butang sa uniberso “diha sa Iyang unod”: si Satanas, ang yawa, ang kaaway sa Dios (Heb. 2:14); ang sala (Rom. 8:3; Juan 1:29); ang unod sa hulog nga tawo (Gal. 5:24); ang kalibotan, ang cosmos, ang daotang sistema ni Satanas (Juan 12:31); ang daang kabuhatan nga nagrepresentar sa daang tawo (Rom. 6:6); ug ang kabalaorang nakapabulag sa balaod (Efe. 2:15).
 - 2. “Diha Niya” nga ginsakpan, elemento, ug pagkamao, gilalang ni Cristo ang mga Judio ug mga Gentil nga mahimong usang bag-ong tawo:
 - a. Dili lang Magbubuhat si Cristo sa usang bag-ong tawo, sa iglesia, Siya sab ang ginsakpan nga gilalangan ug ang elemento ug pagkamao sa bag-ong tawo sa paglalang niini.
 - b. Si Cristo gyod ang elemento sa bag-ong tawo, nga nagpausa sa diosnong kinaiya sa Dios sa tawo—itandi sa Col. 3:10-11.
- B. Sa paglalang sa usang bag-ong tawo, gilansang una sa krus ni Cristo ang natural nga tawo nato, ug unya pinaagi sa pagwala sa daang tawo, gipaambit ni Cristo ang diosnong elemento nganhi nato, nga maoy naghimo natong obra maestra sa buhat sa Dios, bug-os gyong bag-ong butang sa uniberso, bag-ong imbento sa Dios—Rom. 6:6; 2 Cor. 5:17:
 - 1. *Poiema* ang Griyegong pulong sa *obra maestra*, nga nagpasabot “og butang nga sinulat o tinagik nga balak.”

Mensahe 10 (sumpay)

2. Dili ang balaknong sinulat ray maisip nga balak, kondili ang bisan unsang buhat sa arte sab nga makapadayag sa kaalam ug laraw sa magbubuhat.
3. Kita, ang iglesia, ang obra maestra sa buhat sa Dios, balak nga nagpadayag sa walay kinutobang kaalam sa Dios ug diosnong laraw sa Dios; maalamong pagpasundayag sa Dios sa tanang pagkamao ni Cristo ang iglesia—Efe. 3:10-11.
4. Nahimong kaalam nato si Cristo gikan sa Dios ingon nga tulo ka mahinungdanong butang diha sa kaluwasan sa Dios—1 Cor. 1:30:
 - a. Siya ang pagkamatarong nato (alang sa atong nangagi), nga pinaagi niini gimatarong ta sa Dios, aron ipanganak ta pag-usab diha sa atong espiritu para makadawat sa diosnong kinabuhi—Rom. 5:18; 8:10.
 - b. Siya ang pagbalaan nato (alang sa atong karon), nga pinaagi niini gibalaan ta diha sa atong kalag, (gitransporma sa atong salabotan, pagbati, ug pagbuot) sa Iyang diosnong kinabuhi—6:19, 22.
 - c. Siya ang pagtubos nato (alang sa atong umalabot), sa ato pa, sa pagtubos sa atong lawas, nga pinaagi niini usbon ang dagway sa atong lawas sa Iyang diosnong kinabuhi aron maato ang mahi-mayaong pagkasama Niya—8:23; Fil. 3:21.
5. Pagbuot sa Dios nga makaapil ta sa ingon niana kakompleto ug kahingpit nga kaluwasan, nga organicong nag-usa sa tibuok natong pagkatawo—espiritu, kalag, ug lawas—ni Cristo ug naghimo Niya nga atong tanan ug maghimo natong maalamong pagpasundayag sa Dios sa tanang pagkamao ni Cristo.

III. Didto sa krus gilalang ni Cristo ang bag-ong tawo diha Niya sa pagwala diha sa Iyang unod sa balaod sa mga sugo nga naa sa kabalaoran, ang nagpatungang bungbong nga nakapabulag—Efe. 2:14b-15a:

- A. Ang balaod nga gihisgotan sa versiculo 15 dili ang balaod sa mga sugo sa moralidad kondili ang mga balaod sa ritwal nga kasugoan, sama sa kabalaoran sa sirkunsisyon, pagbantay sa Igpahulay, ug pagkaon sa unsang mga kalan-on.
- B. Ang kabalaoran mao ang mga paagi sa pagkinabuhi ug pagsimba, nga nagmugnag panagkaaway ug pagbahinbahin:
 1. Giwala ni Cristo didto sa krus ang tanang regulasyon kalabot sa pagkinabuhi ug pagsimba, mga regulasyon nga nakapabahin sa kanasoran—v. 15; Col. 2:14.
 2. Sukad sa panahon sa Babel, nabahin na ang katawhan tungod sa kabalaoran kalabot sa mga paagi sa pagkinabuhi ug pagsimba; sa

Mensahe 10 (sumpay)

pamatigayon sa Dios diha sa iglesiahanong kinabuhi, dag-on gyod nato ang Babel—Gen. 11:1-9:

- a. Si Cristo ra gyod unta ang tinubdan nato; dili gyod nato himoong tinubdan nato ang bisan unsang iya sa atong kagikan, kultura, o nasyonalidad—itandi sa Col. 3:10-11.
- b. Giisip sa mga tawo sa kalibotan nga tinubdan sa dungog ang mga kalainan sa kultura, apan diha ni Cristo gihukas na nato kining dungoga; si Cristo ra gyod ang dungog nato ug ang tinuod nga pagkausa karon.
- c. Kon andam natong buhian ang garbo nato sa kultura, mabatonan gyod sa Ginoo ang hustong iglesiahanong kinabuhi—Efe. 4:22-24.

IV. Alang ug diha sa usang bag-ong tawo, pahusayon gyod nato ang kadait ni Cristo sa atong kasingkasing—2:14a, 15b; Col. 3:12-15; 2:14-18; Rom. 5:1; Mat. 18:21-35:

- A. Ang Griyegong pulong sa *pahusaya* mahubad sab og “mag-referee, mangulo, o palingkoron sa trono ingog magbubuot ug tigdesider sa tanang butang”; mowala sa pagmulo nato batok ni bisan kinsa ang mohusay nga kadait ni Cristo diha sa atong kasingkasing—Col. 3:13-15.
- B. Sagad nga nasayod ta sa tulo ka persona sa sulod nato: ang positibong persona, negatibong persona, ug neutral nga persona; busa, gikinahanglan gyod ang sulodnong paghusay nga mohusay sa paglalisay sa sulod nato:
 1. Mabati ngani nato nga naglalisay o nag-awayay na ang nagkalainlaing persona sa sulod nato, hatagan gyod natog luna ang nangulong kadait ni Cristo ug pabut-on nato kining kadaita, nga pagkausa sa bag-ong tawo, nga maghari ug magdesisyon sa sulod nato.
 2. Ipadaplin gyod nato ang atong opinyon, atong hunahuna, ug manimati sa isulti sa Referee nga nagpuyo sa sulod nato.
- C. Kon pahusayon nato ang kadait ni Cristo sa atong kasingkasing, mohusay kini sa tanang paglalisay diha nato; naa tay pinatindog nga kadait tali sa Dios ug pinahigda nga kadait tali sa mga balaan:
 1. Pinaagi sa paghusay sa kadait ni Cristo, masulbad ang mga problema nato, ug mawala ang pagbingkilay tali sa mga balaan; mapreserba dayon diha sa katam-is ang iglesiahanong kinabuhi, ug praktikal nga mamintinar ang bag-ong tawo.
 2. Ang paghusay sa kadait ni Cristo mao si Cristo nga nagbuhat sa sulod nato aron magbuot nato, ug magdesisyon—itandi sa Isa. 9:6-7.
 3. Kon magpabilin ta sa pagbuot sa gipaharing kadait ni Cristo, dili ta makapasilo o makadaot ba sa uban; pinaagi hinuon sa grasya sa Ginoo ug sa kadait Niya, makapangalagad tag kinabuhi sa uban.

Mensahe 10 (sumpay)

4. Magbugkos gyod pag-usa sa tanang magtutuo kining panagdaita ug mahimong bugkos nga nagpahiusa—Efe. 4:3.

V. Diha sa usang bag-ong tawo si Cristo ang tanang bahin ug naa sa tanang bahin—Col. 3:10-11:

- A. Si Cristo nga nagpuyo sa sulod nato mao ang inug-umol sa usang bag-ong tawo—1:27; 3:11:
 1. Kay si Cristo man ang tanang bahin sa bag-ong tawo, walay posibilidad, walay luna ang natural nga tawo (kaliwat, nasyonalidad, kultura, o pagkabutang sa katilingban) diha sa bag-ong tawo—vv. 10-11.
 2. Bisan unsang pagkatawhana pa ta, basta ang usang bag-ong tawo maoy hisgotan, dili ta si-kinsa.
 3. Diha sa usang bag-ong tawo usa ra ang persona—si Cristo nga malangkobon-sa-tanan—2:17; 3:4, 11.
- B. Alang sa bag-ong tawo himoon gyod natong tanan si Cristo nga persona nato—Efe. 2:15; 3:17a:
 1. Isip Lawas ni Cristo, nagkinahanglan ang iglesia ni Cristo nga makinabuhi niini; isip usang bag-ong tawo, nagkinahanglan ang iglesia ni Cristo nga mapersona niini.
 2. Naa natong tanan si Cristo isip usa ka persona; busa, usa ra gyod ang persona natong tanan—Gal. 2:20; Efe. 3:17a.
 3. Aron praktikal nga maanaa ang usang bag-ong tawo, isalikway gyod ang tibuok persona sa daang tawo, ug magkinabuhi gyod ta pinaagi sa bag-ong persona nato—Rom. 6:6; Gal. 2:20; Efe. 4:22-24; 3:17a:
 - a. Magkinabuhi gyod ta diha sa bag-ong tawo sa paghimo nato ni Cristo nga atong persona, uban Niya nga nagdesider sa sulod nato.
 - b. Makita na ngani nato nga bahin ta sa usang bag-ong tawo, dili na gyod ta makadesider sa mga butang nga kitakita lang.
 - c. Makita gyod nato nga usa ta ka hiniusang Lawas ug hiniusang bag-ong tawo ug pulos hiniusa ang pagkinabuhi (persona) nato ug paglihok (kinabuhi) nato—1 Cor. 12:12; Rom. 12:4-5.
 4. Maghisgot gyod ta sa *usang bag-ong tawo* sa Efeso 2:15 uban sa *usa ka baba* sa Roma 15:6 ug *mamulong sa mao ra nga butang* sa 1 Corinto 1:10:
 - a. Daghan kaayog baba kaniadto kay daghan man kaayog persona.
 - b. Nagpasabot ang *hiniusa* ug *sa usa ka baba* (Rom. 15:6) nga bisan og daghan ta ug namulong ang tanan, “mamulong [tang tanan] sa mao ra nga butang” (1 Cor. 1:10).
 - c. Bisan daghan ta ug naggikan sa daghang dapit, usa ray baba

ANG MAGBUBUHAT SA USANG BAG-ONG TAWO NGA OBRA MAESTRA SA DIOS

Mensahe 10 (sumpay)

natong tanan, ug namulong tang tanan sa mao ra nga butang;
tungod kini kay usang bag-ong tawo tang tanan nga usa ray per-
sona—Efe. 2:15; 4:22-24; 3:17a; Rom. 15:6; 1 Cor. 1:10.